

宋诗纪事

宋詩紀事

宋詩紀事卷五十八

錢唐 厲鶚 輯

德清 徐以坤 勘定

劉闢宰

賦無兩宰字平國金壇人紹熙元年進士調江寧尉真州
蓄齋兼司法寧宗朝韓侂胄枋國不復仕自號漫塘病叟
與中興萃諡文清有漫塘集

一村北固山望揚州懷古

北固城高萬象秋煙竿一縷認揚州試乘綠漲三篙水要
見珠簾十里樓淚溼宮衣朝霧重愁薰寒草夕陽浮隋隄

舊事無人問
兩兩垂楊繫客舟

秋懷

一抹紅綃日
腳霞千林暮
靄納歸鴉
西風捲盡梧桐葉
乞與中庭散月華

雲邊阻雨

薔薇籬落送春闌
筍蕙園林早夏閑
牛背牧兒酣午夢
不

知風雨過前山

以上漫塘集

張嗣古

嗣古宜春人
紹熙元年進士
歷起居舍人中奉大

夫直龍圖閣

宋倚山龍湫

崎嶇鳥道開烟蘿長空愜蹇聲蕩摩白龍怒吼挂絕壁蒼
兕離立迎清波枯竹拄被青苔色雷雨收功神斂迹窮源
不得空歸來掬雪搏珠三歎息

登妙高亭

雨餘山石洗孱顏臥虎蹲羊各自閑杖屨貪穿秋色好不
知衣惹蘚痕斑

以上袁州府志

聶子述

子述字善之建昌軍南城人紹熙元年進士嘉定
中四川制置使曾以顯謨閣學士使金卒諡文定
公道夫出示先世手澤斂衽拜觀之餘敬題二小

香齋詩

嘉定壬午下元日

香辦平生滿意熏更參曲阜問關津祇宜黃閣官尊貴不
敢近前丞相嗔

一門翰墨森圭璧諸老題評粲錦花珍重雲仍好收拾夜

虹貫月定君家

鐵網珊瑚

李重

重字季永濤次子紹熙元年進士理宗朝歷官同
知樞密事四川宣撫使有悅齋集

離巫山晚泊棹石灘下

黃昏風雨阻江濱翠縮羣峯暮色勻一夜子規啼到曉孤
舟愁殺未歸人

上巳從史巫山板飲江臯

風沙一夕卷冥冥曉色墮矇眊上翠屏薄宦驅人成老大佳
時得酒慰飄零紅餘晚樹迷幽谷綠漲晴波失遠汀卻是
崇山兼峻嶺看來渾不減蘭亭

以上全蜀藝文志

詹義

義都昌人紹熙元年進士

登科後解嘲

讀盡詩書五六擔老來方得一青衫佳人問我年多少五

十年前二十三

清夜錄

詹義

遊武夷

石廩巖前繫小舟娟娟明月照清秋仙人一夜吹長笛三

十六峯雲盡收

武夷詩集

滕岑

岑字元秀嚴州建德人紹興乙卯領鄉薦屢上南宮不第紹熙元年庚戌特奏名仕為溫州平陽縣

丞有無所可用集

方萬里序回至郡讀釣臺集見有曰月色搖江如汞走又有所謂七里風煙萬里寬者心異之細視則郡人龍嶺老樵滕公作也

嚴州府志元秀平生苦吟與陳埴相倡和佳處自謂高視大歷十才子詩凡三千首趙汝歷知郡日借其集不還故傳者甚少大抵皆江西體也後宋景濂序睦州詩派岑實與焉

秋晚

槭槭霜風勁駸駸物象雕屢遷憐蟋蟀一敗笑芭蕉林

疎逾響山雲薄易消雖無遠行役對此亦何聊

瀛奎律髓

句

斷橋測水露半影野渡擲泥畱亂痕

拄杖送僧 嚴州府志

鄭興裔

興裔字光錫顯肅皇后外戚也紹熙初知揚州

瓊花

春晚驅車到古祠看花復誦舊題詩少年嘗記六七月大

暑曾開三五枝醉酒輒來思往事凭闌欲去立多時八仙

髣髴休疑似相隔仙凡只一絲

瓊花譜

董道輔

道輔武陵人于湖張孝祥門人

紹熙庚戌中秋後三日拜于湖先生墓

宋詩紀事卷五十八

曉出白下門瘦馬踏秋色鍾山度蒼翠慰我遠游客暮投
清果寺花草獻幽寂長廊靜無人落日照東壁平生張于
湖萬里去一息翩然九州外汗漫跨鯨脊乾坤能幾時安
用較顏跖文章失津梁所念斯道厄夜闌耿不寐搔首聽
蕭瑟懷人感西風翁仲守孤柏景定建康志

張法

法字聲父吳興人紹熙二年發解

詠苔梅

老龍全身著艾蒨不耐久蟄潛拏空爪頭撥動陽春信香

在霜痕雪點中

題黃巖酒肆

東風吹雨水平沙
下卻籃輿訪酒家
行役不知春早晚
牆頭紅杏欲飛花

以上梅礪詩話

歐陽謙之

謙之字希遜廬陵人學于朱子

題睢陽五老圖

款題紹熙壬子

厚德良多積善根
賢才他日在兒孫
當知相里非凡壻
豈有陳平久席門
五老繪圖千載譽
羣公詩禮百年存
憑君挾取傳家學
青史賢良有後昆

鐵網珊瑚

韓 挺

挺蘄王世忠孫紹熙初官直祕閣知真州

游洞霄宮

雲去山空鶴自來
天壇石室已蒼苔
洞前石鼓叩卽應
巖上仙真挽不回
明月照人山霧合
東風吹澗野蘭開
高眠百尺長松下
閑看飛花落酒杯

洞霄詩集

韓松

松槎弟

游棲真洞

黃冠具竹輿
邀我游棲真
山家雜水樹
野徑橫荆榛
長松臥蒼蛟
亂石錯紫鱗
委曲至洞府
積雪開雙門
結頂寶蓋高
下可容百人
神仙獨何之
碁局今猶存
翠子拂不落
衣袖生清芬
山門局未終
浮世三千春
安得從之游
一笑凌

層雲

洞霄詩集

陸 淞

淞字子逸號雲溪山陰人官辰州守放翁雁行也

耆舊續聞陸辰州子逸左丞相之孫晚以疾廢卜築于秀野越之佳山水也放傲世閒不復有營念對客則終日清談不倦尤好語前輩事

鄉校頌 并序

鄉校海鹽縣大夫能教育人材而成之也

維鄉有校示民有知教始豫遜迪于訓彝維風化是裨

維校在鄉示民有防入孝出悌為忠為良斯邦家之光

鄉校有基如德弗虧劉侯遷之魏侯新之李侯能成之

其遷者初其新者中肄業傳道有師有宗繫李侯之功

樂只君子孰後孰先顯有嘉聞於斯萬年維大夫之賢

鄉校五章章五句

海鹽縣圖經李直養字無書維揚人正民之孫紹熙中為海鹽令興學校修大成殿置書籍祭器兼設小學擇師教之陸淞有詩

陳亮

亮字同父婺州永康人淳熙中詣闕上書光宗紹熙四年策進士擢第一授簽書建康府判官廳公事未至而卒端平初諡文毅有龍川集

及第謝恩和御製詩韻

雲漢昭回倬錦章爛然衣被九天光已將德雨平分布更把仁風與奉揚治道修明當正宁皇威震疊到遐方復讐自是平生志勿謂儒臣鬢髮蒼

龍川集

梅花

疎枝橫玉瘦小萼點珠光一朶忽先變百花皆後香欲傳

春信息不怕雪埋藏玉笛休三弄東君正主張

全芳備祖

崔與之

與之字正子廣州增城人紹熙四年進士理宗朝
累除廣東安撫使拜參知政事右丞相致仕卒累
封南海郡開國公謚清獻有菊坡集

白日送夔門丁帥赴名

議論方前席功名早上坡去帆瓜蔓水遺愛竹枝歌同志
星辰少孤愁暮雨多倚風窮望眼碧色森平莎

峽山飛來寺

萬里星槎海上旋名山今喜得攀緣
猥揮孫恪千年淚月照維摩半夜禪
磴長荒苔人跡少厓攢古樹鵲巢懸江流

上溯曹溪水時送鐘聲到洞前

以上菊坡集

孫伯溫

伯溫字南叟豐城人紹熙四年進士知臨湘縣

游麻姑山瀑布泉

九官守不嚴失卻兩玉龍塵世著不得忽來此山中雷電
白日閒冰雪詩人胸天公不汝尤爲人作年豐

娛書堂詩話麻姑山瀑布分作兩派而下灌溉甚廣豐城孫南叟嘗賦古風云云甚有西江體

馮多福

多福常州人紹熙四年進士寶慶中以直寶謨閣

出守鎮江

林詩鶴林時雪點灑正浴林三表東峰孔圭來

春郊躬勸相稅駕擬禪關院古深藏竹堂虛淨對山日曛

農父醉雲伴老僧閑暇日還攜茗同來淪虎斑

鶴林寺志

喬行簡

行簡字壽朋婺州東陽人紹熙四年進士理宗朝

拜左丞相平章軍國事封肅國公及請老加少保

保寧軍節度使醴泉觀使封魯國公卒贈太師諡

文惠有孔山集

池荷

萱草軒窗處處幽酒中不著客中愁芭蕉葉上無多雨分

與池荷一半秋

全芳備祖

游三止山

在東陽縣南晉義熙間梁文為東陽守嘗登此山後人思之若襄陽之羊祜故又名峴山